

Komisija za izbor akademskog osoblja – **višeg asistenta za „Upravno-pravnu“ naučnu oblast** na Fakultetu za upravu u Sarajevu, u sastavu:

1. **Doc.dr Amel Delić**, docent Univerziteta u Sarajevu, „Upravno-pravna“ naučna oblast, PREDSEDNIK,
2. **Prof.dr Nermin Lapandić**, vanredni profesor Univerziteta u Sarajevu, „Upravno-pravna“ naučna oblast, ČLAN i
3. **Prof.dr Đevad Šahić**, vanredni profesor Univerziteta u Sarajevu, naučna oblast „Menadžment i organizacija javnog sektora“, ČLAN,

koja je imenovana Odlukom Nastavno-naučnog vijeća Fakulteta za upravu, broj: 428-3/22, na osnovu člana 107. stav (3) i (4), a u vezi sa članom 96. Zakona o visokom obrazovanju Kantona Sarajevo („Službene novine Kantona Sarajevo“, broj: 33/17), te u vezi sa članovima 28. i 34. Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“, broj: 59/07 i 59/09) i članovima 116. i 117. Statuta Fakulteta za upravu u Sarajevu, p o d n o s i

I Z V J E Š T A J

sa prijedlogom za izbor u akademsko zvanje



I Podaci o konkursu

Shodno Odluci Vijeća Fakulteta za upravu u Sarajevu o utvrđivanju nastavne potrebe i prijedloga za raspisivanje konkursa za izbor u akademska i naučno-istraživačka zvanja, broj 311-2/22 od 6.6.2022. godine i saglasnosti Senata Univerziteta u Sarajevu na navedenu odluku, broj: 01-9-4/22 od 29.6.2022. godine, Fakultet za upravu je 1.7.2022. godine na svojoj web stranici i u štampanim medijima javno objavio Konkurs za izbor u akademska zvanja, u kojem se pod tačkom b) raspisuje konkurs za jednog (1) kandidata za izbor u zvanje višeg asistenta na naučnu oblast „Upravno-pravna“ na Fakultetu za upravu u Sarajevu – pridruženoj članici Univerziteta u Sarajevu.

Nastavno-naučno vijeće Fakulteta za upravu u Sarajevu je 18.7.2022. godine, Odlukom broj: 428-3/22, imenovalo Komisiju za izbor akademskog osoblja, koja je ovlaštena da razmotri prijave kandidata i podnese izvještaj sa prijedlogom za izbor u zvanje, te isti dostavi Nastavno-naučnom vijeću Fakulteta za upravu.

Kako je konstatovano Potvrdom stručne službe Fakulteta za upravu broj: 427/22, od 15.7.2022. godine na konkurs se prijavio jedan kandidat: **Amar Kozadra, MA uprave.**

Kandidat Kozadra je uz prijavu na konkurs priložio: ovjerenu kopiju Diplome o stečenoj akademskoj tituli i zvanju magistar uprave (broj diplome: 83), ovjerenu kopiju Dodatka diplomi, ovjerenu kopiju Izvoda iz matične knjige rođenih (broj: 04-10-6583/22), ovjerenu kopiju Uvjerenja o državljanstvu (broj: 08/2-13-44289/22), biografiju i Uvjerenje o izboru u

zvanje asistenta i radnom odnosu na Fakultetu za upravu (broj: 400-1/22). Ovjera kopije Uvjerenja o državljanstvu je izvršena 26.5.2022. godine, a sve ostale navedene ovjere su izvršene 7.7.2022. godine.

U nastavku Izvještaja Komisija daje detaljniju analizu i ocjenu kandidata Kozadre.

II Osnovni podaci o kandidatu i obrazovanje

Amar Kozadra, MA uprave, je rođen 16.12.1990. godine u Sarajevu, gdje je završio osnovnu i srednju školu. Prvi ciklus studija je završio 2015. godine na Fakultetu za upravu u Sarajevu – pridruženoj članici Univerziteta u Sarajevu, kao jedan od uspješnijih studenata u generaciji, te stekao titulu bachelor uprave (240 ECTS).

Na Fakultetu za upravu u Sarajevu je stekao i titulu magistra uprave 2017. godine, ostvarivši prosječnu ocjenu u toku studija 9,50.

Trenutno je student trećeg ciklusa studija (doktorski studij) na Fakultetu za upravu u Sarajevu i u postupku je izrade doktorske disertacije na temu „Devijacija etike i politike u organima javne uprave u Bosni i Hercegovini“.

Osim maternjeg, aktivno govori i engleski jezik.

III Radno i predavačko iskustvo

Nakon završetka prvog ciklusa studija kandidat je zasnovao radni odnos na Fakultetu za upravu u Sarajevu – pridruženoj članici Univerziteta u Sarajevu, gdje je u periodu 2017-2018 godina obavljao poslove stručnog saradnika za nastavu i studentska pitanja.

Odlukom Senata Univerziteta u Sarajevu broj: 01-819/18 od 27.6.2018. godine je izabran u zvanje asistenta na „Upravno-pravnoj“ naučnoj oblasti, te nastavio radni odnos na Fakultetu za upravu u Sarajevu. Izvodio je vježbe iz predmeta: Nauka o upravi, Upravno pravo, Pravno uređenja javne uprave, Upravni postupak i upravni spor i Komparativna javna uprava .

IV Ocjena i prijedlog Komisije za izbor

Uslovi za izbor u naučnonastavna zvanja definisani članom 96. Zakona o visokom obrazovanju Kantona Sarajevo („Službene novine Kantona Sarajevo“, broj: 33/17, 35/20, 40/20 i 39/21) pod tačkom b) navedenog člana definišu uslove za izbor u zvanje višeg asistenta na visokoškolskoj ustanovi na sljedeći način: „stepen drugog ciklusa (magisterij) odnosno integrisani ciklus studija, proveden izborni period u zvanju asistenta“.

Komisija konstatuje da je kandidat Kozadra 22.5.2017. godine završio drugi ciklus studija na Univerzitetu u Sarajevu – Fakultet za upravu u Sarajevu, te mu je izdata Diploma broj: 83, kao


i da je Odlukom Senata Univerziteta u Sarajevu broj: 01-819/18 od 27.6.2018. godine izabran u zvanje asistenta na „Upravno-pravnoj“ naučnoj oblasti te da je 27.6.2022. godine ispunio četiri (4) godine u zvanju asistenta na oblasti za koju se vrši izbor u zvanje, a što je u skladu sa članom 94., stav (1), tačka a) propisani izborni period za akademsko zvanje asistenta. Time je kandidat ispunio formalne uslove za izbor u zvanje višeg asistenta.

Komisija je, uzevši u obzir činjenice da je kandidat Kozadra jedini prijavljeni kandidat, da ispunjava uslove definisane pozitivnim propisima, te da je od 2018. godine u radnom odnosu i ima izbor u zvanje za oblast na kojoj se vrši izbor u zvanje. Komisija zaključuje da kandidat Kozadra posjeduje odgovarajuće formalno obrazovanje, predavačko iskustvo i stručno iskustvo, te je dao značajan doprinos realizaciji nastavnog procesa iz predmeta naučne oblasti za koju se vrši predmetni izbor u zvanje u prethodne četiri godine, kao i drugih predmeta srodnih oblasti. Kandidat nedvosmisleno pokazuje namjeru dodatnog usavršavanja u navedenoj oblasti kroz izbor teme doktorske disertacije i aktivan rad na završetku dokorskog studija.


Na osnovu prethodno opisane analize, **Komisija** zaključuje da kandidat Amar Kozadra, MA uprave ispunjava uslove propisane pozitivnim propisima Bosne i Hercegovine, Kantona Sarajevo, Univerziteta u Sarajevu i Fakulteta za upravu, te jednoglasno **predlaže** Nastavno-naučnom vijeću Fakulteta za upravu u Sarajevu, odnosno Grupaciji društvenih nauka i Senatu Univerziteta u Sarajevu, **da izaberu kandidata Amara Kozadru, MA uprave u naučnonastavno zvanje viši asistent za „Upravno-pravnu“ naučnu oblast.**

KOMISIJA

Doc.dr Amel Delić



Prof.dr Nermin Lapandić



Prof.dr Đevad Šašić

